

# Goibekokale

ELGETA / Barikua / 2005ko urtarrilaren 21a / 213. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Biztanle kopuruak gora egin du azken urtean

IRATI AGIRREAZALDEGI

Biztanle kopurua beherantz joan da azken urteetan, baina iazko datuak pozkekoak dira. Izan ere, 2004. urtea amaitzerako urte hasieran baino 30 biztanle gehiago zeuden Elgetan. Kanpotik herrira bizitzera etorritako jendeak eragin du gorakada.

Udaleko datuen arabera 2004. urte hasieran 1.002 biztanle zituen Elgetak. Urtea amaituta, berriz, 1.033ra iritsi da biztanle kopurua. Hala ere, azken datu hori ez da ofiziala, azken orduan hainbat aldaketa egon daitezke eta.

Baina aipatzeko moduko datua da urtebetean Elgetak 30 biztanle gehiago izatea.

Gainera, kontuan hartuta azken urteetan herritarren kopuruak behera egin zuela, poztekoa da berriz ere 1.000 biztanleko marra gainditzea.

Elgetak 1998an 984 biztanle zituen, 2002an, berriz, 961. Gora bidea hartu zuen 2003an 974 biztanlera iritsiz eta azken datuen arabera 1.033 dira jadanik. Hala ere, hainbat heriotza eta jaiotza izan dira herrian egunotan.



Azken datuen arabera 2004 urtearen amaieran 1.033 biztanle zituen Elgetak.

### KANPOTARRAK

Elgetara bizitzera etorri diren kanpotarrek igoarazi dute kopurua, aurtun 44 izan dira. Pakistandarrak 14; Marokokoak bat; Pontevedrakoak beste bat eta Euskal Herriko hainbat txokotatik etorriak gainontzekoak.

Elgetatik kanpora joandakoak, berriz, 19 izan ziren iaz. Honetaz gain, kontuan hartu behar da iaz zortzi ume jaiotzeak zirela Elgetan eta azken datuen arabera hildakoak bi izan zirela. Beraz, Elgetan gero eta jende gehiago bizi dela adierazi dute datuek.

GOIBOKALE

## ENPRESA

### Eduardo Zubiaurreren enpresa aukeratu dute azterketa egiteko

I.A.

Ezagutzaren Klusterraren eta EAeko Unibertsitateen artean argitalpen bat kaleratzen dute urtero: Enpresa Kudeaketa Aurreratuen Kasuak.

Zenbait enpresa proposatu eta aukeratu dira, eta unibertsitateko irakasleek horien gaineko azterketak egiten dituzte. Enpresa kudeaketaren ikuspuntu aipagarrienak nabarmentzen dituzte. Gero, ingeniari eta edo enpresa fakultateetan, ikasgai batzuetan,

erabiltzen dira ikasleei kasu errealek aurkezteko.

### JAZ ZUBIAURRE

Aurtengoan Eibarko enpresa bat aukeratu dute: Jaz Zubiarre. Enpresaren jabea Elgetan bizi den Eduardo Zubiaurre eibartarra da. Eta ez da Zubiaurreren enpresak jaso duen lehen aipamena. Izan ere, Toribio Etxebarria Berrikuntza saria jaso zuen 2003an.

Kasu guztiak otsailaren 4an aurkeztuko dituzte Donostiako parke teknologikoan.



Eduardo Zubiaurre, enpresaburua.

GOIBOKALE

## PARKEA

### Urte amaierarako Maala urbanizatuta

I.A.

Maala parkea urbanizatzeko 144.998,38 euroko dirulaguntza eman du Gipuzkoako Foru Aldundiak. Urbanizazio lanen kostu osoa 289.996,76 euro da.

Parkean, plazatik Espaloraino, oinezkoendako bidea egingo dute, oraingoa behin-behinekoa baita. Oinezkoendako beste bide bat egingo dute San Roke kaletik Maala kalera Intxorta elkartearen ondok hasita. Pasealekuan ate gotiko bat ipintzea da Udalaren asmoa. Aixolako urtegia egin zutenean Aixola Behekoa baseritik kendutako harriak erabiliko dituzte horretarako.

### BERDEGUNA ETA JOLASLEKUA

Honetaz gain, Intxorta elkartearen atzeko aldean plaza bat egingo dute aurreikusitakoak.

Berdeguna bat egongo da Maalan; baita umeendako jolaslekua iturria, jarlekuak, loreontziak, zakarrontziak eta zuhaitzak ere Parkean eta oinezkoendako bideetan 19 farola ipiniko dituzte.

Lan hauekin plazatik San Roke ostera Bergara aldeko bidearen zati bat eginda geratuko da Bidea osorik urte gutxi barru amaitzeko asmoa dute. Lan horien hasierak 2005eko abenduaren 31 baino lehen.

## LABUR

### Belodromoko proposamenaren gaineko bideoa eta hitzaldia gaur liburutegian

Orain herria, orain bakea lelopean hitzaldia izango da gaur 20:00etan liburutegian. Gatazka konpontzeko bidean Belodroman egindako ekarpena aurkeztuko dute. Bideo emanaldia izango da, eta ondoren mahai nazionalako kide batek hitzaldia egingo du.

### Korrikako batzordea osatzeko bilera egingo dute martitzenean liburutegian

Aurtun Korrika martxoaren 16an pasatuko da Elgetatik. Egundik aurrera egingo diren ekitaldiak antolatzeko batzorde bat sortu nahi dute. Batzordea osatzeko bilera martitzenean izango da liburutegian, 20:00etan, eta herritar guztiak daude gonbidatuta.

### Pello Alberdi pintorearen margolanak ikusgai Bergaran eta Gasteizen

Hilabete amaierara arte Bergarako Nahikari tabernan Pello Alberdi elgetarraren 13 lan egongo dira ikusgai. Olioak erabiliz sortutako hiri-paisaiak dira. Bestalde, bihar izango da azken eguna Alberdiaren lanak Gasteizko Felisa Navarro aretoan ikusteko.

### Goibekoko bazkide gaztetxoek 10 euro ordaindu beharko dituzte txartelaren truke

Goibeko elkarteak bazkide kanpaina egiten dihardu. Gaztetxoek kuota merkeagoa da, eta Goibekokoek erabaki dute adin merkeagoa zabaltea txartela egiteko orduan. Beraz, 10 euro ordaindu beharko dituztenak 3 eta 16 urte bitartekoak izango dira. Jakinarazi denez, jadanik 200 bazkidera heldu da Goibeko elkarteak.



ELKARRIZKETA

HIART BOLINAGA ETA ANDONI ELORTZA/DANTZARIAK

*“Horrenbeste urteren ostean nekatu egin garelako utzi dugu dantza soltea”*

I.A.

**H** iart eta Andoni taula gainean dantzari eza-gutu ditu askok. Orain, ordea, gelditu egin dira euren pausoak. Iazko txapelketak amaituta etena egitea erabaki dute, eta horren arrazoia jakiteko euren gana jo dugu.

**Noiz eta nolatan hasi zineten dantza soltean?**

Gurasoek animatuta dantza ikasten hasi ginen Bergaran Dani Azpiazurekin bost urte genituela. Gero proposatu ziguten bikote moduan lehiaketetan parte hartzea, eta hamar urte egin ditugu. Orain, zer dela eta erabaki duzue uztea?

Horrenbeste urteren ostean, nekatu egin gara. Gainera, orain txapelketetan nagusien mailara pasatzeko adinean gaude, jarraituz gero entrenamendu gehiago egitea eskatzen du horrek. Dantzari hainbeste denbora ezin diogu eskaini, ikasketak ere hor daude eta. Hala ere, pena pixka batekin utzi dugu dantza.

**Zer izan da urte hauetan dantzak eman dizuen onena?**

Dantzak ongi pasatzeko aukera eman digu bai txapelketetan eta baita entseguetan ere.

**Eta zuek dantzari zer eman diezue?**

Urtero saiatu izan gara pauso berriak egiten. Izan ere, epaimahaikoek hori saritzen dute. Txapelketa askotatik pasatuko zineten, ezta?

Guztira 225 izan dira. Irabazi genuen lehen txapelketa beti izango dugu gogoan. Oiarzunen izan zen eta 11na urte genituen. Guztira, 18 txapelketa irabazi ditugu. Izan ziren bi urte (2002-2003) lehenengo eta bigarren postuetan askotan sailkatu ginenak txapelketetan. Txapelketatik kanpora ere dantza erakustaldietan hartu dugu parte.

**Ahazteko moduko plazarik?**

Oiartzungo iazko txapelketa. Txistulariek oso motel jo zuten,



AITOR LIZARRALDE

*“Dantzak ongi pasatzeko aukera eman digu, bai txapelketetan baita entseguetan ere”*

eta horren erruz gaizki egin genuen gure erakustaldia. Ahaztu beharrekoa da, baina arantza barruan geratu zitzaigun.

**Baduzue gerora berriz dantzan hasteko intenziorik?**

Oraingoz utzi egingo dugu baina baliteke berriz hastea.

*“Gure ondoren ez da beste inor hasi dantza solteko txapelketetan Elgetan”*

**Elgetan bada dantzan zuen bidea jarraituko duenik?**

Ez, inor ez da ikasten hasi, beraz, etorkizunik ez diogu ikusten. Gu irakasle lanetan hastea litzateke irtenbide bat, baina zaila da. Gainera, beste zaletasun batzuek lehentasuna dute.

ERREPIDEAK

Saihesbidearen lanak apirilean hasiko dira

I.A.

Gipuzkoako Foru Aldundiak Construcciones Galdiano enpresari eman dio saihesbidearen lehen faseko lanak egiteko ardura. Lanen kostua 1.260.276 euro izango da.

Udaletik jakinarazi digutez, apirilean hasiko dira obrak eta gutxi gorabehera bost hilabetean amaituko dituztela aurreikusi dute. Saihesbidea oso lan garrantzitsua izango da Elgetarako. Izan ere, horrela ez dira

ibilgailuak Salvador kaletik pasatuko. Bestalde, kamioiek Salvador kalearen eta arkuaren artean maniobra arriskutsuak egitea ere saihestuko da.

**SALBADOR KALEA**

Bada proiektu bat Salvador kalea oinezkoendako ipintzeko. Beraz, behin saihesbidea egindakoan, zirkulazioarendako Salvador kalea itxi egingo dute eta ibilgailuak garajeetara joateko edo zama lanetarako bakarrik sartuko dira.

MUSIKA

Gariren azken laneko kantuak Espaloian

I.A.

Iñaki Garitaonandia *Gariren* kontzertua izango da gaur, bariakua, Espaloia Kafe Antzokian, 23:00etan hasita.

0-tik izeneko azken lana aurkeztuko du; baina diskoko kantuez gain, joko ditu beste hainbat. Bakardadean jorrotutako esperientzia baten emaitza da disko ausart hau. Bere ahotsaren sensualitatean babestuz, abilezia, adore eta sinesgarritasun handiz

ematen die irtenbidea kantuei. Estilo dotorea eta lengoia ulergarria erabiltzen ditu emozioak adierazteko.

Kontzertuan bere gitarraz gain, beste hainbat musikari izango ditu lagun.

**SARRERAK**

Sarreraren erreserba egiteko telefono honetara deitu behar da: 943 78 90 85. Sarrerak 10 euro balio du; Goibekoko bazkideek 8 euro ordainduko dituzte.



GOIBEKOKALE

Garik bere taldearekin jardungo du Espaloiko kontzertuan.

**OSMA**  
PIEZEN AUKERATZEA ETA EGIAZTATZEA

Salvador kalea 19 behea • 20690 ELGETA  
Tel.: 943 768 127  
Mobila: 677 032 739

**RECYDE, S.A.**  
Pagotza pol. ind. 20690 ELGETA, Gipuzkoa  
Tel.: zentrala: 943 78 80 00. Faxa: 943 78 90 10  
Posta elektronikoa: recyde@recyde.es

**AENOR**  
**ER**  
Enpresa Erregistratua  
ER-0182/2/95  
ISO 9002  
QS 9000  
ISO/TS 16949

**Aperribay, s.l.**  
Marmoldegi eta granitoak

Pagatza indus. z/g.  
Tel. eta faxa: 943 78 90 21  
**20690 ELGETA**





**PROFESIONAL**  
*liberalen*  
**GIDA**

**GESTORIAK**

*EGUREN*  
Iraila 3. 943 76 21 65

**PROKURADOREAK**

**JOSE M. BARRIOLA ETXEBERRIA**  
Easo 57, 3-esk. (DONOSTIA).  
943 45 27 26 / 656 41 55 49

**AHOLKULARITZA**

**AIERDI AHOLKULARITZA**  
Artekalea 1. 943 76 03 50

**TBG AHOLKULARITZA**  
Matxiategi 36. 943 76 90 83

**ABOKATUAK**

**RAFAEL ARANBURU**

Irizar 5. 943 76 10 81

**BERNARDINO MAIZTEGI**

Irizar 5. 943 76 10 81

**JUAN ANTONIO SIERRA**

Irizar 2. 943 76 03 35

**ARKITEKTU TEKNIKOAK**

**JESUS LASKURAIN PEREZ**

Zurradero 4. 943 76 53 53